

Broj: 01-01.3-8590-27/23 MZ

Datum: 24.01.2024.godine

Na osnovu člana 70. stav (4) Zakona o javnim nabavkama ("Službeni glasnik BiH", broj 39/14 i 59/22) i Odluke o poništenju postupka nabavke u predmetu „Idejno rješenje i studije BC Doboj Istok (EL) – Gračanica – Šićki Brod“, broj: 01-718-3/24 od 22.01.2024. godine, v.d. direktora Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

ODLUKU **o otkazivanju postupka javne nabavke**

I

Otkazuje se otvoreni postupak za nabavku usluga „Idejno rješenje i studije BC Doboj Istok (EL) – Gračanica – Šićki Brod“, broj: 01-01.3-8590/23 MZ za koji je dana 20.11.2023. godine objavljeno Obavještenje o nabavci, broj: 266-1-2-210-3-225/23, zatim dana 20.12.2023. godine objavljena Ispravka za obavještenje o nabavci, broj: 266-1-2-210-8-257/23, zatim dana 21.12.2023. godine objavljena Ispravka za obavještenje o nabavci, broj: 266-1-2-210-8-258/23, te dana 09.01.2024. godine objavljena Ispravka za obavještenje o nabavci, broj: 266-1-2-210-8-7/24 na Portalu javnih nabavki, u skladu sa članom 69. st. (3) Zakona o javnim nabavkama (u daljem tekstu: Zakon), odnosno zbog dokazivih razloga koji su izvan kontrole ugovorog organa i koji se nisu mogli predvidjeti u vrijeme pokretanja postupka javne nabavke.

II

U skladu sa članom 70. stav (6) Zakona, JP Autoceste FBiH d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su preuzeli tendersku dokumentaciju.

O b r a z l o ž e n j e

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 14. stav (4), 17. stav (1), 18. stav (1) i 19. stav (1) Zakona pokrenulo otvoreni postupak, broj: 01-01.3-8590/23 MZ za nabavku usluga: „Idejno rješenje i studije BC Doboj Istok (EL) – Gračanica – Šićki Brod“.

Na Portalu javnih nabavki objavljeno je Obavještenje o nabavci, broj: 266-1-2-210-3-225/23 dana 20.11.2023. godine zatim dana 20.12.2023. godine objavljena Ispravka za obavještenje o nabavci, broj: 266-1-2-210-8-257/23, zatim dana 21.12.2023. godine objavljena Ispravka za obavještenje o nabavci, broj: 266-1-2-210-8-258/23, te dana 09.01.2024. godine objavljena Ispravka za obavještenje o nabavci, broj: 266-1-2-210-8-7/24. Kriterij za dodjelu ugovora je „najniža cijena“.



Dana 07.12.2023. godine zaprimljena je prva žalba na tendersku dokumentaciju od strane potencijalnog ponuđača [REDACTED] koja je 08.12.2023. godine djelimično usvojena Odlukom o djelimičnom usvajanju žalbe broj: 01-01.3-8590-9/23 MZ.

Nakon toga je dana 15.01.2024. godine zaprimljena druga žalba na tendersku dokumentaciju od strane potencijalnog ponuđača [REDACTED] broj: 01-01.3-8590-20/23, koja je Odlukom broj: 01-01.3-8590-23/23 MZ dana 16.01.2024. godine usvojena.

U toku rješavanja gore navedene žalbe i u fazi obustave postupka, dana 19.01.2024. godine, zaprimljena je i treća žalba na tendersku dokumentaciju od strane potencijalnog ponuđača [REDACTED] koja je Odlukom broj: 01-01.3-8590-26/23 MZ dana 19.01.2024. godine djelimično usvojena.

U međuvremenu zbog nepredviđene aktivnosti koja se desila unutar ugovornog organa došlo je do trajnog kompromitovanja postupka te su u potpunosti narušeni svi osnovni principi na kojima se zasniva sistem javnih nabavki i naravno svaki pojedini postupak javne nabavke, a to je transparentno postupanje, jednak tretman i nediskriminacija, te pravična i aktivna konkurencija.

Pored toga, direktno je prekršena odredba člana 11. stav (4) Zakona koja propisuje: „Učesnici u postupku javne nabavke ni na koji način ne smiju neovlašteno prisvajati, koristiti za vlastite potrebe niti proslijediti trećim licima podatke, rješenja ili dokumentaciju (informacije, planove, crteže, nacрте, modele, uzorke, kompjuterske programe i dr.) koji su im stavljeni na raspolaganje ili do kojih su došli na bilo koji način u toku postupka javne nabavke.“

Članovi komisije su se povodom toga konsultovali i sa Agencijom za javne nabavke Bosne i Hercegovine, kao Zakonom osnovane institucije čija nadležnost je tumačenje legislative o javnim nabavkama, te je jedina mogućnost ugovornog organa zasnovana na Zakonu u ovom slučaju okazivanje postupka, što je komisija i predložila Upravi.

Povodom prijedloga Komisije da se predmetni postupak otkaže, Uprava je 22.01.2024. godine donijela Odluku o poništenju postupka nabavke u predmetu „Idejno rješenje i studije BC Doboj Istok (EL) – Gračanica – Šićki Brod“ broj: 01-718-3/24 u svemu u skladu sa članom 69. stav (3) Zakona.

Shodno naprijed navedenom, ugovorni organ je donio Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).



Identifikacijski broj: 4227691540005 PDV broj: 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autocesije: 1610200062470232 i 3386902296565422
Neknada za korištenje cestovnog zemljišta: 1610200062470135 i 3386902296565459
Registровано u Općinskom sudu u Mostaru, MBS 59-01-0179-10

Prilog:

- Odluka o poništenju postupka nabavke u predmetu „Idejno rješenje i studije BC Doboj Istok (EL) – Gračanica – Šićki Brod“, broj: 01-718-3/24 od 22.01.2024. godine.

v.d. izvršnog direktora
za projektovanje i građenje:

Asmir Dževlan

v.d. direktora:

Denis Lasić

Dostaviti:

- Ponuđačima koji su preuzeli tendersku dokumentaciju,
- a/a.



Identifikacijski broj 4227691540005 PDV broj 227091540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 | 3308902296565422
Naknata za korištenje cestovnog zemljišta: 1610200062470136 | 3308902296565459
Registровано u Općinskom sudu u Mostaru, MBS 58-01-0179-10

Broj:01-718-3/24

Datum: 22.01.2024. godine

Na osnovu člana 27. Statuta JP Autoceste FBiH d.o.o. Mostar br.1.1-3923-4/16 od 30.11.2016. godine i člana 10. tačka 3, člana 11. Poslovnika o radu Uprave br. No 1.01-2131-8/14 od 10.04.2014. godine, Uprava na sjednici održanoj 22.01.2024. godine, donosi:

ODLUKU

o poništenju postupka nabavke u predmetu

„Idejno rješenje i studije BC Doboj Istok (EL) – Gračanica – Šićki Brod“

I

Uprava JP Autoceste FBiH d.o.o. Mostar donosi Odluku o poništenju postupka nabavke u predmetu „Idejno rješenje i studije BC Doboj Istok (EL) – Gračanica – Šićki Brod“.

II

Ova Odluka stupa na snagu danom donošenja.

Obrazloženje

Nakon dostavljanja žalbe e-mailom, koju smo prethodno zaprimili u predmetnom postupku, svim članovima Komisije za nabavke, konstatovano je da je prilikom izjašnjavanja člana Komisije kolegice Samre Imamović u e-mail prepisku dodan i izvjesni Semir Čakar koji je inače zaposlenik firme Trasa d.o.o. Sarajevo.

Bez obzira na pretpostavku da je kolegica Samra Imamović, u zvaničnoj prepisci između članova Komisije za nabavke ugovornog organa, greškom unijela e-mail adresu Semira Čakara, umjesto Samira Kajimovića inače šefa Službe za javne nabavke, to je dovelo do situacije da je Semiru Čakaru (Trasa d.o.o. Sarajevo) data na uvid cjelokupna korespondencija između članova Komisije vezana za sve aktivnosti i preduzete radnje koje smo kao ugovorni organ i Služba za javne nabavke proveli po predmetnom postupku koji je u toku, i to od početne faze pripreme tenderske dokumentacije, postavljenih zahtjeva za pojašnjenje tenderske dokumentacije od strane drugih potencijalnih ponuđača, prethodne žalbe koju smo rješavali, komentara i stavova članova komisije sve do zaprimanja posljednje žalbe po kojoj tek trebamo postupati.

Inače, firma Trasa d.o.o Sarajevo čiji je zaposlenik Semir Čakar je privredni subjekt koji se bavi djelatnošću koja je predmet ovog postupka nabavke i jedan je od potencijalnih ponuđača u ovom

postupku, te su u nekoliko navrata sa Portala javnih nabavki preuzimali tendersku dokumentaciju i njene dopune/izmjene (u prilogu Službene zabilješke dostavljen Izvještaj o preuzimanju tenderske dokumentacije od strane ponuđača).

Sa aspekta Zakona o javnim nabavkama („Službeni glasnik BiH“, br.: 29/14 i 59/22) – u daljem tekstu: Zakon, ovime je postupak trajno kompromitovan te su u potpunosti narušeni svi osnovni principi na kojima se zasniva sistem javnih nabavki i naravno svaki pojedini postupak javne nabavke, a to je transparentno postupanje, jednak tretman i nediskriminacija, te pravična i aktivna konkurencija.

Pored toga, direktno je prekršena odredba člana 11. stav (4) Zakona koja propisuje: „Učesnici u postupku javne nabavke ni na koji način ne smiju neovlašteno prisvajati, koristiti za vlastite potrebe niti proslijediti trećim licima podatke, rješenja ili dokumentaciju (informacije, planove, crteže, nacрте, modele, uzorke, kompjuterske programe i dr.) koji su im stavljeni na raspolaganje ili do kojih su došli na bilo koji način u toku postupka javne nabavke.“

Članovi Komisije iz Službe za nabavke su razmotrili sve zakonske opcije kojima bi se navedena greška eventualno mogla ispraviti u cilju očuvanja postupka, uključujući konsultacije sa Agencijom za javne nabavke Bosne i Hercegovine, kao Zakonom osnovane institucije čija nadležnost je tumačenje legislative o javnim nabavkama, međutim ne postoji nijedan način koji spada u zakonske okvire kojim bi se ova greška mogla prevazići. Da bi se postigao jednak tretman i pravičnost prema svima, tim slijedom bi svim potencijalnim ponuđačima trebalo dati na uvid svu konverzaciju između članova Komisije, što nije dozvoljeno i u suprotnosti je sa Zakonom kao i Izjavom o nepristrasnosti i povjerljivosti koju svi članovi Komisije potpisuju.

Evidentno je da se u ovom slučaju ne može postupiti niti postupak dalje voditi na pravičan i Zakonom predviđen način, te s toga članovi Komisije ispred Službe za javne nabavke predlažu Upravi da se predmetni postupak otkaze, u skladu sa članom 69. stav (3) Zakona koji propisuje: „Ugovorno tijelo može otkazati postupak javne nabavke samo zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke.“

Shodno navedenom, odlučeno je kao u dispozitivu ove Odluke.

Dostaviti:

1. Članovima Uprave;
2. Službi za javne nabavke
3. a/a

v.d. Direktor
Denis Lasić



Identifikacijski broj: 4227891540005 PDV broj: 227891540005
Glavni račun: Union banka Sarajevo 1020010000014039
Trensakoljski račun: Raiffeisen bank dd Sarajevo, glavna filijala Mostar 1610200082470038
Federalna taksa za korištenje autoceste: 1610200082470232 i 3386902296565422
Naknada za korištenje cestovnog zemljišta: 1610200082470135 i 3386902296564549
Registровано u Općinskom sudu u Mostaru, MBS 68-01-0179-10